

Na osnovu člana 26. i člana 28. stav (4) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), te člana 217. Zakona o upravnom postupku ("Službene novine Federacije BiH", br. 2/98 i 48/99), Vlada Kantona Sarajevo, na 21. sjednici održanoj 23.05.2019. godine, donijela je sljedeći

ZAKLJUČAK

O ISPRAVCI RJEŠENJA O IMENOVANJU V.D. PREDSEDNIKA I V.D. ČLANOVA NADZORNOG ODBORA JU "APOTEKE SARAJEVO" BROJ 02-05-18393-54.2/19 OD 25.04.2019. GODINE

I

U Rješenju o imenovanju v.d. predsjednika i v.d. članova Nadzornog odbora JU "Apotheke Sarajevo" broj 02-05-18393-54.2/19 od 25.04.2019. godine u tački I u podtački 3. umjesto riječi "Dostanović" treba da stoji riječ "Destanović".

II

Ovaj Zaključak je sastavni dio Rješenja o imenovanju v.d. predsjednika i v.d. članova Nadzornog odbora Javne ustanove "Apotheke Sarajevo" broj 02-05-18393-54.2/19 od 25.04.2019. godine.

III

Ovaj Zaključak proizvodi pravni učinak od dana od kojeg proizvodi Rješenje broj 02-05-18393-54.2/19 od 25.04.2019. godine i isti će se objaviti u "Službenim novinama Kantona Sarajevo".

Broj 02-05-21309-34/19

23. maja 2019. godine
Sarajevo

Premijer
Edin Forto, s. r.

Ministarstvo privrede

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 24. Zakona o novčanim podsticajima u poljoprivredi na području Kantona Sarajevo ("Službene novine Kantona Sarajevo", br. 1/12 i 15/13), ministar privrede Kantona Sarajevo donosi

PRAVILNIK

O IZMJENAMA I DOPUNAMA PRAVILNIKA O POSEBNIM USLOVIMA ZA OSTVARENJE PRAVA NA NOVČANI PODSTICAJ

Član 1.

(Dopuna člana 2.)

- (1) U Pravilniku o posebnim uslovima za ostvarivanje prava na novčani podsticaj ("Službene novine Kantona Sarajevo", br. 21/13, 39/14 i 20/17), u članu 2. tačka 12. iza riječi: "povrće i ljekovito bilje", dodaju se riječi: "koja je instalirana na farmi na kojoj se odvija poljoprivredna proizvodnja;"
- (2) U članu 2. tačka 13. iza riječi: "te aparati za mužu i vrcaljke za med", dodaju se riječi: "koja je instalirana na farmi na kojoj se odvija poljoprivredna proizvodnja".

Član 2.

(Izmjena i dopuna člana 5.)

- (1) U članu 5. stav (1) u tački b) alineja 3) briše se.
- (2) Tačka c) mijenja se i glasi:

"c) pravno i registrovano fizičko lice potvrdom o izmirenim poreskim obavezama za prethodnu godinu, a novo registrovano pravno i fizičko lice, potvrdom sa stanjem izmirenih poreskih obaveza ne starijim od tri mjeseca".

- (3) Iza tačke c), dodaje se tačka d) koja glasi:

"d) registrovani proizvođač od 21 do 100 mliječnih krava i otkuplivač mlijeka ne mogu biti na istoj lokaciji, jer nemaju transportnih troškova, pa za ostvarivanje prava na novčani podsticaj njihova udaljenost mora biti najmanje 10 km."

Član 3.

(Izmjena člana 10.)

U članu 10. stav (2) u tački b) alineja 3) mijenja se i glasi:

"3) za zakupljene objekte ugovorom o zakupu i potvrdom na obrascu A-12 na ime zakupodavca".

Član 4.

(Izmjena člana 11.)

- (1) U članu 11. stav (1) tačka a) mijenja se i glasi:

"a) da po svim muznim kravama na farmi u jednom kvartalu proizvede i isporuči najmanje 400 l mlijeka po grlu minimalne mliječne masti od 3,2%, registrovanom otkuplivaču".

- (2) Tačka c) briše se.

- (3) Dosadašnja tačka d), postaje tačka c).

Član 5.

(Brisanje tačke b) u članu 12.)

- (1) U članu 12. stav (1) tačka b) briše se.

- (2) Dosadašnja tačka c), postaje tačka b).

Član 6.

(Izmjena i dopuna člana 15.)

- (1) U članu 15. stav (1) tačka a) mijenja se i glasi:

"da je nabavio muški podmladak za tov ne stariji od šest mjeseci".

- (2) Iza tačke c) dodaje se tačka d) koja glasi:

"da se pri ulazu junadi u tov i izlazu iz tova, vrši utvrđivanje težine."

Dosadašnje tač. d), e) i f) postaju tač. e), f) i g).

Član 7.

(Dopuna člana 16.)

U članu 16. iza stava (5) dodaje se stav (6) koji glasi:

"(6) Službenici Odjeljenja na licu mjesta na poljoprivrednom gazdinstvu, u štali, toru ili ogradenom prostoru, utvrđuju brojno stanje ovaca, ovnova, ženskih i muških janjadi starijih od šest mjeseci koji su predmet podsticaja".

Član 8.

(Dopuna člana 17.)

U članu 17. iza stava (2) dodaje se stav (3) koji glasi:

"(3) Kandidat dostavlja izjavu ovjerenu u općini da će brojno stanje koza na koji je ostvario novčani podsticaj držati najmanje naredne dvije godine."

Član 9.

(Izmjena člana 22.)

U članu 22. stav (1) tačka b) mijenja se i glasi:

"b) da se pčelinja društva nalaze na vlastitom ili zakupljenom zemljištu, na području Kantona Sarajevo prilikom utvrđivanja proizvodnje i sačinjavanja zapisnika od strane službenika, a da isti poslije utvrđenog činjeničnog stanja

moгу koristiti pčelinju pašu i zimovanje van Kantona Sarajevo, a sve u skladu sa Pravilnikom o pčelarstvu ("Službene novine Federacije BiH", broj 31/18)."

Član 10.
(Dopuna člana 28.)

U članu 28. stav (1) tačka a) iza riječi: "zasnovao novi zasad krošnjastog ili jagodičastog voća" dodaju se riječi: "u tekućoj godini".

Član 11.
(Izmjena člana 30.)

U članu 30. stav (1) u tački b) broj "40t/ha" zamjenjuje se brojem: "25t/ha", a broj "20t/ha" zamjenjuje se brojem "15t/ha."

Član 12.
(Dopuna člana 37.)

U članu 37. iza stava (4) dodaju se st. (5) i (6) koji glase:

(5) Izjavu ovjerenu u općini da će poljoprivrednu mehanizaciju i opremu koristiti isključivo na poljoprivrednom gazdinstvu i da istu neće prodati ili davati u zakup narednih pet godina od dana ostvarivanja novčanih podsticaja.

(6) Oprema i mehanizacija koja prelazi vrijednost 10.000,00 KM novčanih podsticaja obavezno fotografisati na licu mjesta".

Član 13.
(Prečišćeni tekst)

Ministarstvo privrede Kantona Sarajevo se obavezuje da pripremi prečišćeni tekst Pravilnika o posebnim uslovima za ostvarivanje prava na novčani podsticaj.

Član 14.
(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 07-05-14-14823-1/19

20. maja 2019. godine
Sarajevo

Ministar
Mr. sci. Haris Bašić, s. r.

Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", br. 6/19), po zahtjevu JU OŠ "Mula Mustafa Bašeskija", Ministar finansija donosi sljedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2019. GODINU ZA BUDŽETSKOG KORISNIKA JU OŠ "MULA MUSTAFA BAŠESKIJA"

1. Odobrava se preraspodjela sredstava u Budžetu Kantona Sarajevo za 2019. godinu u iznosu 12.300,00 KM u razdjelu 21020058 JU OŠ "Mula Mustafa Bašeskija" i to:

Raz.	Gla- va	Potr. jed.	Ekon. kod	Sub- analitika	Funk- cija	OPIS	Iznos
21	02	0058				JU OŠ "Mula Mustafa Bašeskija"	
						sa ekonomskog koda (vlastita sredstva)	
21	02	0058	611100		091F	Bruto plaće i naknade plaća	9.720.00

21	02	0058	611200	LBA0T6	091F	Naknade troškova prevoza na posao i s posla	300,00
21	02	0058	611200	LBA0T7	091F	Naknade za topli obrok	1.140,00
21	02	0058	612100		091F	Doprinosi poslodavca	1.140,00
						sa ekonomskog koda (vlastita sredstva)	
21	02	0058	613900		091F	Ugovorene i druge posebne usluge	12.300,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-8710/19
30. aprila 2019. godine
Sarajevo

Ministar
Amel Kovačević, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", br. 6/19), po zahtjevu Ministarstva saobraćaja Kantona Sarajevo, Ministar finansija donosi sljedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2019. GODINU ZA BUDŽETSKOG KORISNIKA MINISTARSTVO SAOBRAĆAJA KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2019. godinu u iznosu 5.000.000,00 KM u razdjelu 14010001 Ministarstvo saobraćaja Kantona Sarajevo i to:

Raz.	Gla- va	Potr. jed.	Ekon. kod	Sub- analitika	Funk- cija	OPIS	Iznos
14	01	0001				Ministarstvo saobraćaja Kantona Sarajevo	
						sa ekonomskog koda (budžetska sredstva)	
14	01	0001	615300	EAU087	045F	Izgradnja i rješavanje imovinsko pravnih odnosa na primarnim gradskim saobraćajnicama	5.000.000,00
						na ekonomski kod (budžetska sredstva)	
14	01	0001	614400	EAO008	107F	Za pokriće dijela gubitka KJKP GRAS d.o.o. Sarajevo	5.000.000,00

3. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-18800/19
30. aprila 2019. godine
Sarajevo

Ministar
Amel Kovačević, s. r.